

סוטה לח

ויקרא פרק ט

- (א) ויהי ביום השמיני קרא משה לאהרן ולבניו ולזקני ישראל:
(כב) וישא אהרן את ידיו אל העם ויברכם וירד מעשת החטאת והעלה והשלמים:
(כג) ויבא משה ואהרן אל אהל מועד ויצאו ויברכו את העם וירא כבוד ה' אל כל העם:
(כד) ותצא אש מלפני ה' ותאכל על המזבח את העלה ואת החלבים וירא כל העם וירנו ויפלו על פניהם:

במדבר פרק ו

- (כב) וידבר ה' אל משה לאמר:
(כג) דבר אל אהרן ואל בניו לאמר פה תברכו את בני ישראל אמור להם: ס
(כד) ויברך ה' וישמרך: ס
(כה) יאר ה' פניו אליך ויחנך: ס
(כו) ישא ה' פניו אליך וישם לך שלום: ס
(כז) ושמו את שמי על בני ישראל ואני אברכם: ס

דברים פרק י

- (ח) בעת ההוא הבדיל ה' את שבט הלוי לשאת את ארון ברית ה' לעמד לפני ה' לשרתו ולברך בשמו עד היום הזה:

דברים פרק יח

- (א) לא יהיה לכהנים הלויים כל שבט לוי חלק ונחלה עם ישראל אשי ה' ונחלתו יאכלו:
(ב) ונחלה לא יהיה לו בקרב אחיו ה' הוא נחלתו כאשר דבר לו: ס
(ג) וזה יהיה משפט הכהנים מאת העם מאת זבחי הזבח אם שור אם שנה ונתן לכהן הזרע והלחיים והקבה:
(ד) ראשית דגנה תירשה ויצהרך וראשית גז צאנך תתן לו:
(ה) כי בו בחר ה' אלהיך מכל שבטיך לעמד לשרת בשם ה' הוא ובניו כל הימים: ס

דברים פרק יב פסוק ה

- כי אם אל המקום אשר יבחר ה' אלהיכם מכל שבטיכם לשום את שמו שם לשכנו תדרשו ובאת שמה: